

Stanovnici najstrmije ulice u Velikoj Britaniji vežu automobile za stubove rasvjete



Stanovnici najstrmije ulice u Velikoj Britaniji su bili primorani iskoristiti pomalo bizarno rješenje kako bi osigurali svoje automobile.

Radi se o ulici Vale u Bristolu, čiji nagib iznosi 22 stepena. Hodanje ovom ulicom rezultira bolovima u nogama, a biciklisti je koriste za testiranje svoje spremnosti.

Ova ulica je uvrštena na listu najopasnijih na svijetu, a stanovnica Julie Wheat, koja u njoj živi više od 20 godina, vidjela je ljude kako "skijaju" niz nju.

"Ubacite automobil u prvu brzinu, pritisnete papučicu gasa i nadate se da niko ne ide niz ulicu. Kada krenete, morate se nastaviti penjati", izjavila je Wheat.

Stanovnica Katherine Haddow je rekla da se obavezno drži za ogradu u slučajevima kada je cesta mokra i kada je hladno. Također, vlasnici automobila su primorani vezati svoja vozila za stubove rasvjete nakon parkiranja.

Međutim, strma ulica nudi i zabavu, jer se svake godine na njoj održava takmičenje u kotrljanju jaja. (tl)

Date: 16-04-2019